

Tuzla, 16.05.2014. godine

Danas su premijer Tuzlanskog kantona, prof. dr. Bahrija Umihanić, muftija tuzlanski Vahid-ef Fazlović i pomoćnik muftije tuzlanskog dr. Sead-ef. Seljubac, obavili posjetu Kantonalnom štabu civilne zaštite i Kantonalnoj upravi civilne zaštite. Sastanku su prisustvovali i ministri u Vladi TK, ministar zdravstva Alen Kamberić i ministar finansija Miralem Nuhanović.

Komandant štaba Samid Šarac i načelnik štaba mr. sc. Zdenko Tadić, direktor Kantonalne uprave civilne zaštite, upoznali su goste sa aktivnostima koje vodi Kantonalni štab civilne zaštite u koordinaciji sa općinskim štabovima civilne zaštite. Obzirom da se sa posebnom pažnjom prati situacija na brani jezera Modrac, prezentirali su trenutnu situaciju na brani, te ih upoznali sa aktivnostima Kantonalnog štaba i JVP „Spreča“ kako bi se na vrijeme, u slučaju potrebe, poduzele odgovarajuće mjere spašavanja građana nizvodno od brane jezera Modrac. Također, prezentirana je trenutnu situaciju na području Tuzlanskog kantona, a naglašena je požrtvovanost svih uključenih u sistem zaštite i spašavanja: vatrogasaca, policajaca, pripadnika oružanih snaga, civilne zaštite, gorske službe spašavanja pa i samih građana. U nekoliko situacija operacije spašavanja su izvedene u dramatičnim okolnostima, gdje su spasioci izlagali svoj život. Najvažnije u ovom trenutku da na našem kantonu nema smrtno stradalih.

Premijer Vlade je pružio punu podršku naporima Kantonalnog štaba i stakao je da je ovog trenutka najvažnije spašavanje života ugroženih i obezbjeđenje minimalnih uslova za život, dok će se sanaciji posljedica djelovanja prirodnih nepogoda pristupiti kada se stvore uslovi za normalan život.

Muftija tuzlanski i njegov pomoćnik su se zahvalili svima koji ulažu napore u spašavanju ljudskih života. Obećali su da će sa svoje strane, u ime Islamske zajednice Bosne i Hercegovine, učiniti napore da se pomogne najugroženijim građanima, te da će apelovati na građane da se ne izlažu opasnostima i da prihvate pomoć koju im pružaju spasioci.

